

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

GT Yang, Shen
1555 Kuan fu k'ao
Y35
1882

East Asia

名版致


228

國傳丹致

229

4.3 11A

卷之四
目錄
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百



總纂升菴合集第九十三冊題目

卷之二百二十八冠服攷

冠名

玉導

簪導

導字

帽帟帙

服妖

題目

第九十三冊

GT
1555
Y35
1882

結眊

耳衣

巾褙

玄襪

逢掖

水田衣

陳陶鐵蓑衣

鞞蔽鄴

帶靴

鬧裝

紫標

袴

胯衫袍笏

犢鼻褌

策目毫鋒

履考

題目

二

第九十三册

鞋子

薄借

瓊寢玉簀

設

流黃簀

琉璃簀

氍毹

枕

象床火籠

冠子朵子扇子

頭髻

紛結

鬧掃

簪

偏髻髻

釵子

上卷全集
題目

三

第九十三册

十眉圖

黃眉墨粧

丹的

的解

檀暈

燕脂

粉

鏡銘

寔羅考

巾幘

褱衣 屈狄

鵠鵠字

仙衣

宮衣尙窄

繡屨

單練髻

纈衣

寶袂腰綵

金泥簇蝶裙

麝香鏤金羅

複裙

香毬金縷

香袂

綢繆襪

褱服襦褌

縛衣

褌

翠足粉胷

袿熏綦迹

文綦

綸鞵

襪

朱腕繩

弓足

金蓮寶屐

紅幫

舞妓著靴

火浣布

虎斑絹

輕容

越爲布名

阿錫

斑斕青頓髦毼羊羴

彭氈

氈氈

霞氈

搗衣

五色賦記

十卷合集

題目

六

第九十三册

正色間色

間色名

姦色

白字異訓

鮮名曰翠

卷之二百二十九鹵簿舟車攷

鹵簿

爆槩

歲莢

章

星施

蕭斧

芙蓉劍

銑鏡

白間

折竹爲鼎

什簋合集

題目

七

第九十三册

雲錦韜

水龍

綠鵠蔥鶯

蘭鵠

扁舟本作鰲舟

水船

峯

帆名曰雙

鳳船

腰舟

舟車

輦

麗驂

貝轂塢宮

燭路

車履

馬羅披

蛟輶

寄生

唐馬鞭價重

柄鑿

赭繩

露卵

木匠準

胡器

什菴合集

題詞

乙

第九十三册

總纂升菴合集卷之二百二十八

新都楊 慎著

同里鄭寶琛纂輯 天彭李守福

同里王文林編次 繁江郭宗儀 全校

冠服攷

冠名

儀禮注弁名出於槃槃大也啤名出於撫撫覆也

玉導

升菴合集

卷之二百二十八 冠服攷

第九十三册

南齊高祖性清儉主衣中有玉導上曰留此正是興
長弊源卽命擊碎之玉導未知何物又按晉書馮遷
追及桓玄玄拔頭上玉導與之曰汝何敢殺天子以
此例之則玉導者玉簪或冠篋之類耳導擇也義取
擇髮然自唐以後不聞其名

簪導

簪導按釋名云簪建也所以建冠於髮也一曰笄笄
繫也所以拘髮使不墜也導所以導擽音力髮使入

巾幘之裏也今依周禮天子以王笄而導亦如之又
史記曰平原君誇楚爲玳瑁簪班固與弟書云今遣
升以黑犀簪士燮集云遣功曹使貢皇太子通天
犀導故知天子獨得用玉降此通用玳瑁及犀今並
准是唯弁用白牙笄導焉今按隋書禮儀志天子服有玉簪導李本宵曰霏雪
錄云導意卽所謂掃也今訓曰擇也當是導與導不
同司馬相如封禪書導一莖六穗於庖徐曰禾之名
也一說以粟爲米曰導漢百官志有導官主擇米則
擇訓也光武詔云非徒有豫養導擇之勞是也導从
寸引也徐曰以寸引也顏之推家訓及諸書皆作一
字惟說文自是二字弘治十一年登科錄進士周導

兄程弟秀皆从禾也董彥遠謝除正字啟定文六穗
之禾訓同於導又从小矣又按東漢蔣潛嘗至不其
縣路次林中露一屍已自臭腐鳥來食之輒見一小
兒長三尺驅鳥鳥即起如此非一潛異之看屍頭上
著通天犀纛潛乃拔取既去眾見鳥集無復驅者潛
後以此纛上晉武陵王晞薨以襯眾僧王武剛以九
萬買之後落褚太宰處復以享齊故丞相豫章王王
薨後內江夫遂斷以為釵每夜輒見一兒繞牀啼叫
云何為見屠割天當相報江大惡之月餘乃亡段公
路云通天犀堪為釵纛胡侍野談纛導同音定是一
物

導字

慎按徐楚金云導字諸解惟鄭德訓擇為得之徐廣

作瑞禾臆說也字林亦據此文而傳會之耳

恰帟帟

恰首服狀如弁而缺四角魏武帝製魏志云武帝以天下凶荒財幣乏用擬古皮弁裁縑帟以爲之合乎簡易之義故名恰恰者恰也俗云恰好也晉代用白色唐陳子昂詩郗家子弟謝家郎烏巾白恰紫香囊服妖

晉傅咸奏議云妹喜冠男子之冠桀亡天下何晏服

什菴合集

卷五 冠服攷

三

第九十三册

婦人之服亦亡其身內外不殊王制失序此服妖也
又按史謝尚好著刺文袴周弘正少日錦髻紅裾蓋
東晉南朝之人病不特服妖而已

結眊

眊音珥續羽爲衣也三國志劉先主好結眊庾信詩
金羈翠眊往交河

耳衣

唐人邊塞曲金裝腰帶重錦縫耳衣寒耳衣今之暖

耳也

巾

巾幅也。𦘔音近抹。巾𦘔頭頭或作額。古爲始畧之服。

今爲勇士之飾。廣韻𦘔額首飾也。川不鞞巾而畧。方言鞞頭也。古詩脫帽著幪頭。又作鬢文。選朱鬢戴鬢。

注引說文鬢帶髻頭飾也。翰曰以絳抹額也。韓文以

紅帕首豈帕亦音摸邪

今按中華古今注禹集諸侯於塗山之夕忽大風雷震雲

中甲馬及九十一千餘人中有服金甲及鐵甲不被甲以紅絹抹其首額禹問之對曰此抹額蓋武十之

十卷合集

卷五

冠服攷

四

第九十三册

首服又秦始皇巡狩至海濱海神來朝皆戴祿額緋衣大口袴以爲軍容禮至今不易其制○九十疑訛

玄襪

金石錄大公碑引周志曰文王夢天帝服玄襪以立於令狐之津帝曰賜汝望玄襪殆天人之衣也趙明誠曰襪作示傍字書所無當作衣

逢掖

逢掖之衣一作馮翼今之直掇也

水田衣

袈裟名水田衣又名稻畦帔王維詩乞飯從香積裁
衣學水田王少伯詩手巾花氎淨香帔稻畦成袈裟
內典作罽毼蓋西域以毛爲之又名逍遙服又名無
塵衣

陳陶鐵蓑衣

一鼎雌雄文武○火十年寒暑鹿麕皮寄與東流任
斑駁向隅終守鐵蓑衣

韞蔽褱

十菴合集

卷三

冠服攷

五

第九十三册

韠韍也以韋爲之古者席地而坐以臨俎豆故設蔽
鄴以備濡漬韠之爲言蔽也今之蔽鄴也韠之作也
在衣之先其服也在命之後有命服之韠有祭服之
韠詩曰庶見素韠是祥祭有韠劉熙曰韠以蔽前嬪
人蔽鄴亦如之曰香袂是婦人有韠也荀子曰共艾
韠說者曰蒼白之韋是罪人有韠今之訟者勒短裙
見官俗曰衫枷通典曰戰國連兵以韠非兵制去之
此說非是唐人畫古將帥象多有綠錦戰裙是兵亦

有鞞宋史丞相食品庖史具脂鞞是貴賤雖殊鞞之用一也

帶靴

唐制九環帶六合靴

開裝

京師有開裝帶其名始於唐白樂天詩貴主冠浮動

親王帶開裝薛田詩九包綰就佳人髻三開裝成子

弟鞞

恐作鞞

詞曲有角帶開黃鞞今作傲黃鞞非也

十查合集

卷五十八

冠服攷

六

第九十三册

紫櫛

南史義陽王昶傳六軍戒嚴應須紫櫛左右欲營辦
王琨曰元嘉初征謝晦有紫櫛在匣中不須更作檢
取果得弘明集玄光辨惑論張魯絳帶盧循紫櫛南
宋晉安王子勛傳子勛初檄欲攻子業聞其已隕卽
解甲下櫛讀者多不知紫櫛爲何物按晉書職官志
云袴褶之制未詳所起冠黑帽綴紫櫛櫛以繒爲之
長四尺廣一寸腰有絡帶以代鞶中官紫櫛外官絳

櫛蓋戰裙之絡繫也今畫門神將軍有之俗曰飄帶

又梁褚綢使魏元日作詩曰帽上著籠冠袴上著朱

衣卽指此也

李本甯曰按史王琨傳琨曰元嘉初云

琬傳琬奉表勸子勛卽位及聞太宗定大事卽解甲下標字作標○綴紫櫛見晉書輿服志字作標長四寸不言四尺也又有纂嚴戎服不綴標宋書禮儀志亦載之亦云長四寸字又作標南齊書輿服志亦有之不言尺寸字亦作標○玄光辨惑論云昔時軍標張角黃符子魯戴絳盧棟紫標孫恩孤虛與所引不同晉書職官志陳騶受諸葛亮用兵之法甲乙校標幟之制字亦從才南史魯爽傳眾戴黃標又梁臨川王宏傳宏性愛錢百萬一聚黃榜標之千萬一庫懸一紫標如此三十餘間本作標弇州宛委餘編作櫛

隋書禮儀志天子衣以升龍爲領標皇后衣十二等以翬雉爲領標其下以襜褕鷩鷩雉鳩雉爲之以上數則推之晉書蓋兩紫標一綴於冒一綴於帶隋書之標又綴於領者也錢屋之標與陳騶之標皆是旗類蓋卽晉書之綴冒者但長短大小不同今武弁兜鍪尙有此制若飄帶則腰間雙垂也玄光所載似皆首戴手批非著身者隋書袴褶不言標或晉書所云不綴標者也赤罽絳絞二帶則所云飄帶也○褚綢詩袴則袴褶也朱衣則飄帶也○又按篇海擲从手从刀匹眇切落也集韻擲敷詔切从寸落也篇海擲从木从寸方小切表也北史擲其門閭集韻同篇海標俾饒切木末也顛也又標舉也又早小切集韻又必小切韻會標記也又篠韻韻會表字載蕭韻中者引周禮肆師表齋盛或作剡周禮注故書表爲剡徽幟也集韻或作櫛韻會標俾小切从衣袖端也亦作表又卷表飾也表識亦作標幟以上數則推之櫛

字當从木以爲正標幟標亦可通用从手者不可
用今監本北史孝行傳標其門閭者凡數人列女傳
亦有之俱作標惟揚引傳擿其純孝其他傳若楊擿
范擿崔擿李擿王擿衛擿鄒擿薛道擿傳靈擿趙僧
顯南史恩倖傳徐世擿或从手或从木作擿他傳作
標魏書釋老傳有沙門道標字俱从衣皆訛誤難辨
矣大藏音序所謂帔巾小不分標標才本不辨正
此類也又按廣弘明集釋道安二教論云張魯戴黃
巾服黃布揭魯字公旗又箴傳奕表云魏志云張魯
字公旗今三國志魯傳作公祺从示不作旗惟後漢
書作旗見劉焉傳然則揭魯字公旗者豈卽以名字
爲號耶

袴與前章
同看

社服攷

第九十三册

蓋古之裳也周武王以布爲之名曰褶敬王以緇爲
之名曰袴但不縫口而已庶人衣服也至漢章帝以
綾爲之加下緣名曰口常以端午日賜百官水紋綾
袴蓋取清慢而理人若百官母及妻妾等承恩者則

別賜羅紋勝袴取其曰勝

錄中華古今注

李本甯曰按隋書禮儀志袴褶

服以從戎今纂嚴則文武百官咸服之車駕親戎則縛袴不舒散中官紫褶外官絳褶腰皮帶以代蟠革又黃布袴褶赤罽帶青布袴褶絳絞帶白布袴褶皆賤者之服○三國呂範釋著袴褶執鞭詣閣晉桓宣武與殷劉談不如甚喚左右取黃皮袴褶上焉舞

猶數回或向殷或擬劉意氣始得雄宋王曇首年十

四五便歌謝靈運欲聞之無由得聞後出東府土山
作妓王時作兩丸髻著袴褶騎馬往土山下庾家墓
林中作一曲歌張暢著黃袴褶出射堂簡人梁清家
見人著平上帽烏衣袴褶齊永明十年魏主宏於平
城侍中省見一鬼衣黃褶袴當戶欲入叱之不退此
其來已久南朝承用而褚縯以嘲魏亦不可曉縯與
陳伯之降魏非使魏也○北堂書抄有袴褶一類直
是袴事又不可曉餘杭令顧颺以郭文山行須皮衣
贈以韋袴褶一具文不納置室中而去乃至爛於戶
內疑卽袴也王曇首所著或卽此綱目齊寶卷著織
成袴褶王幼學集覽云騎服也隋煬帝時武官馬加
珂戴幘服袴褶又以百官從駕皆服袴褶於軍旅間
不便詔皆戎衣馮知舒質釋云小衣名注
釋皆不甚了然而袴褶又何爲不便也

胯衫袍笏

十卷合集

卷五

冠服攷

九

第九十三册

馬周上議三代深衣青襴袖襪襦爲士人上服開袴

者名缺袴衫

今按隋文帝征遼詔武官服缺胯襪子

庶人服之卽今之

四襪衫襪襦衣袂有緣也襪衣裙分也按唐制中尉

樞密皆襪衫侍從僖宗之世已具襴笏昭宗時嚴遵

美爲軍容使歎曰北司供奉官以袴衫給事今執袍

笏過矣後隱青城山袴衫卽襪衫也襪音悻史昭音

睽

犢鼻褌

犢說文作犢絳踦也又作襪俱音統如南夷關頭衣

策目毫鋒

白樂天詩策目穿如札毫鋒利似錐札甲也

履考

古篆舄字象鵠形以爲履飾也履象取諸鵠鵠知太
歲欲人行履知方也周禮有鞮屨氏舞四夷之樂故
以革爲履取其舞蹈之便至漢世總章伶人服之唐
世名鸞靴故妓人從良詩有便脫鸞靴入鳳幃之句

崔豹云古履絢繡皆畫五色素始皇令宮人鞞金泥
飛頭鞋徐陵詩所謂步步生香薄履也漢有伏虎頭
鞋加以錦飾曰繡鴛鴦履東晉以草木織成有鳳頭
履聚雲履五朵履宋有重臺履梁有分稍履立鳳履
五色雲霞履隋煬帝令宮人鞞瑞鳩頭履謂之仙飛
履又伏琛齊記曰青州有一種桃花盛開時採之煉
以松脂遞相纏織成鞋履寄往都下人皆不辨爲何
物嵇含南方草木狀云晉太康中扶南國進抱香履

以抱香木爲之木輕而堅韌風至則隨飄而動

鞋子

自古卽皆有謂之履

本有絢纒

皆畫五色卽

本作至

漢有伏

虎頭

本有脫

始以布鞵

纒上以錦爲飾

至東晉以草木織成卽有

鳳頭之履聚雲履

本有五朵履

宋有重臺履梁有笏頭履

分稍履立鳳履又有五色雲霞履漢有繡鴛鴦履昭

帝令冬至日上舅姑

薄借

世說新語

卷第八 冠服攷

七

第九十三册

周禮玉璫注璫讀如薄借綦之之綦綦結也皮弁之
縫每貫結五采玉十二以爲飾謂之綦詩云其弁伊
綦賈公彥疏云薄借之語未聞按古今注云草履名
不借漢文帝履不借以臨朝

瓊寢玉簪

劉聰以婢爲后王鑒諫曰不可以汚玉簪而塵瓊寢

設

鋪象牙牀織犀角簾蹕貂之褥蛩蛩之氈

流黃簞

會稽竹簞供御號爲流黃簞唐詩珍簞冷流黃

琉璃簞

韓文公湘簞詩蘄州笛竹天下知一府傳看黃琉璃
卷送八尺含風漪○劉禹錫詩簞冷秋生薤葉中○
薤葉秋生琉璃夜滑

苜蓿席

梁崔祖思政事疏曰劉備取帳構銅鑄錢以充國用

廿卷合集

卷五

冠服攷

三

第九十三册

升菴合集 卷三十八
魏武遺女皂帳婢十人東阿王婦以繡衣賜死宋武帝節儉過人張妃房帳碧綃蚊幃三齊苮席五盞盤桃花米飯祖思所引二君事皆本史所不載者又苮席不知何物字書亦無苮字

枕

取黃楊木作枕必以陰晦無一星則伐之爲枕不裂

象床火籠

西京雜記天子玉几冬則加綈錦以象牙爲火籠慎

常有冬日宮詞云障風貂尾扇熅火象牙籠貂扇冬日用之歐陽玄詩十月都人供暖簾

冠子 采子扇子

冠子者秦始皇之制也令三妃九嬪當暑戴芙蓉冠

子以碧羅爲之插五色通草蘇采子

一本有披淺黃繫羅衫

把

雲母小扇子

一本有鞞蹲鳳頭履

以待從令宮人當暑戴黃羅

髻蟬冠子五花采子

一本有披淺黃銀曳飛雲帔

把五色羅小扇

子鞞金泥飛頭鞋至隋帝於江都宮水精殿令宮人

戴通天百葉冠子插瑟瑟細

一本作鈿

朵皆垂珠翠披紫

羅帔把半月雉尾扇子鞞瑞鳩頭履子謂之仙飛古

今注

頭髻

錄中華古今注

自古之有髻而古者繫也女子十五而笄許嫁於人

以繫他族故曰髻而古榛木爲笄笄以約髮也沿至

夏后以銅爲笄於兩旁約髮也謂之髮笄殷后服盤

龍步搖梳流蘇珠翠三服服龍盤步搖若侍去

元作生

梳蘇以其步步而搖故曰步搖周文王又制平頭髻

昭帝又制小鬚雙裙髻始皇詔后梳凌雲髻三如梳

望仙九鬟髻九嬪梳髻髻至漢高祖又令宮人梳

奉聖髻武帝又令梳十二鬟髻又梳墮馬髻

注有長安婦人

好爲盤桓髻到於今其法不絕墮馬髻今無復作者倭墮髻墮馬之餘形也

靈帝又令梳

瑤臺髻魏武

一本作文

帝令宮人梳百花髻芙蓉歸雲髻

梁天監中武帝詔宮人梳迴心髻歸真髻作曰粧青

黛眉有鬱蔥髻隋有凌雲

一本作虛

髻祥雲髻隋大業中

令宮人梳朝雲近香髻歸秦髻奉仙髻節暈粧貞觀

中梳歸順髻又太真偏梳朶子作啼粧又有愁來髻

又飛髻又百合髻作白粧黑眉

今按古今注有魏宮人好畫長眉多作翠

眉警

鶴髻

紛結

二者皆髻也東平王蒼傳注假紛婦人首服也四夷

傳魑頭露紛儀禮冠禮合紛今人不識此字行冠禮

者以合紛爲動梳豈不千古笑哉魑紛卽運命之椎

紛紛又作結史西南夷傳魑結耕田古無髻字但借
結爲字李廣傳結髮與匈奴戰蘇武詩結髮爲夫妻
音義並同

鬧掃

鬧掃髻名亦猶盤雅墮馬之類也唐詩還梳鬧掃學
宮妝獨立閑庭納夜涼手把玉釵敲砌竹清歌一曲
月如霜三夢記

髻

廿二

卷八

冠服攷

五

第九十三册

說文𠂔象髮謂之髻漢書五行志有雲如炎風亂髻
髻亂髮也古文作𠂔借作坤字今文作髻

偏髻髻

北齊後宮之服制女官八品偏髻

所交切
當作髻

髻注云髻

所交切髮覆目也蓋夷中少女之飾其四垂短髮僅
覆眉目而頂心長髮繞爲臥髻宋詞所謂鬢驪偏荷
葉也今世猶有之髻字玉篇不收而獨出此佛書亦
有之立應贊甯不識而強以爲髻字之省非也

釵子

蓋古笄之遺象也至隋煬帝宮人插鈿頭釵子常以端午日賜百僚玳瑁釵冠後漢書貴人助簪玳瑁釵

今按盤龍釵
梁冀婦所製

十眉圖

唐明皇令畫工畫十眉圖一曰鴛鴦眉又名八字眉
二曰小山眉又名遠山眉三曰五岳眉四曰三峰眉
五曰垂珠眉六曰月稜眉又名卻月眉七曰分稍眉

八曰涵煙眉九曰拂雲眉又名橫煙眉十曰倒暈眉
東坡詩成都畫手開十眉橫雲卻月爭新奇

黃眉黑粧

後周靜帝令宮人黃眉黑粧至唐猶然觀唐人詩詞
如藥黃無限當山額又額黃無限夕陽山又學畫鴉
黃半未成又雅黃粉白車中出又寫月圖黃罷其證
也然溫飛卿詩有豹尾車前趙飛燕柳風吹散驚間
黃之句王荊公詩亦云漢宮嬌額半塗黃事已起於

漢特未見所出耳又幽怪錄神女智瓊額黃

丹的

潘岳芙蓉賦丹輝拂紅飛須垂的斐披葩嚇散煥熠
燦的子藥切婦人以丹注面也吳才老解爲指的非
傳玄鏡賦曰珥明璫之雙照點隻的以發姿張景陽
扇賦皎質皦鮮玄的點絳漢律舛變亦謂月事也

的解

一本作
玄的

史記五宗世家程姬有所避不願進注引釋名云天

什瑟令集

卷之二 冠服攷

七

第九十三册

子諸侯羣妾以次進御有月事者便不口說故以丹
注面的爲識令女史見之王粲神女賦脫袿裳免簪
笄施玄的結羽釵卽釋名所云也玄的藝文類聚作
華的又繁欽弭愁賦點園的之熒熒映雙輔而相望
潘岳芙蓉賦飛須垂的皆指此又馬之當額亦曰的
易說卦爲的顙三國志有的盧陳琳武庫賦駁龍紫
鹿文的躡魚並是馬名也又烏脰亦曰的南史侯景
陷臺城童謠云的脰烏拂朱雀還與吳字一作黔搏

雅云龍須謂之黝婦人面飾亦曰龍黝蓋以龍女况之又曰星的陸雲詩東置北辰星問此玄龍煥

檀暈

東坡梅詩鮫綃剪碎玉簪輕檀暈粧成雪月明肯伴老人春一醉懸知欲落更多情王十朋集諸家注皆不解檀暈之義今爲著之宇文氏粧臺記婦女畫眉有倒暈粧畫譜有正暈牡丹倒暈牡丹古樂府有暈眉攏髮之句元微之與樂天書近昵婦人暈澹眉目

綰約頭髮畫譜七十二色有檀色淺赭也與婦女暈
眉所謂紫沙冪酷似花間集云燒春醲美小檀霞又
云檀畫荔枝紅又云鈿昏檀粉淚縱橫又云斜分八
字淺檀蛾又云背留檀印齒痕香坡詩又云剩看新
翻眉倒暈又云倒暈連眉秀嶺浮檀痕猶漢世婦女
之玄的也可以互證

燕脂

蓋起自紂以紅藍花汁凝作燕脂以燕國所生故曰

燕脂塗之作桃紅粧

今按古今注葉似薊花似蒲公出西方土人以染名爲燕支中

國人謂之紅藍以染粉爲面色謂爲燕支今人以重絳爲之惟燕支花所染爲紅藍耳

粉

自三代以鉛爲粉秦穆公女弄玉有容德感仙人簫史爲燒水銀作粉與塗亦名飛雲丹傳以簫曲終而同上昇

鏡銘

古鏡銘漢有善銅出丹陽和以鉛錫清始明左龍右

什瑟台集

卷之三

冠服

耳

第九十三册

虎尙三光朱雀玄武順陰陽東坡曰清如明如者而
也若左傳星隕如雨之例又一面云尙方作鑑真大
巧上有仙人不知老渴飲玉泉饑食棗壽如金石嘉
且好又潁州頓氏一鏡銘云鳳皇雙瓊瑤裝陰陽合
爲配日月常相會此銘辭古雅錄者多逸字逸句故
不厭重錄之○又一首云有玉辭夏惟金去秦俱隨
革故共集鼎新儀天寫質象日開輪翠舞鸞鳳奔走
鬼神長懸仁壽天子萬春又鳳州遁延山穴古鏡銘

云練彤神治瑩質良工如珠出匣似月停空當眉寫
翠對臉傳紅綺窗繡幄俱照秦宮一本作俱蓋唐人
作也

寡離考

古者女子出門必擁蔽其面後世宮人騎馬多著寡
離全身障之猶是古意又首有圍帽謂之席帽垂絲
網之施以珠翠至煬帝淫侈欲見女子之容詔去席
帽戴皂羅巾幘而以席帽油御雨云唐永徽中皆用

帷帽施裙到頸漸爲淺露開元初宮人馬上著胡帽
靚粧露面古制蕩盡矣今山西蒲州婦人出以錦帕
覆面至老猶然雲南大理婦女戴次工大帽亦古意
之遺焉今按中華古今注唐武德貞觀中宮人多著
罽羅全身障蔽永徽後皆用帷帽施裙到頸
漸爲淺露至神龍末罽羅殆絕
其象類今之方巾繒帛爲之

巾幘

詩有頍者弁士冠禮注滕薛名國爲頍今未笄冠者
著卷幘頍象之所生也輿服志夫人有紺繒幘古畫

婦女有頭施紺寡者卽此制也諸葛孔明以巾幘遺
司馬懿巾幘女子未笄之冠燕京名雲髻蜀中名曇
籠蓋笑其堅壁不出如閨女之匿藏也幘音與幘同
古對切今音與國同非也或作巾國又作今類今按中華
古今注席帽古之圍帽也男女通服之以韋
爲之四周垂珠網之施以珠翠丈夫去飾

褱衣 屈狄

周禮王后褱衣謂畫袍也一曰褱交絡帶繫於體者
音韋又音微說文蔽褱也○屈狄亦周禮王后衣也

鵠鵠字

後周皇后服制受繭則服鶯衣聽女教則服鵠衣

音

歸寧則服翊衣

一本有其色立音秩

鵠鵠字惟見此蓋蘇綽所

制也

仙衣

仙女大衣有金鏤單絲錦縠銀泥五暈羅裙見許老翁傳○博異志天女衣六銖又曰五銖北里志玉肌無軫五銖輕

宮衣尙窄

自漢魏六朝至唐宮中衣皆尙窄非惟便於趨承亦以示儉爲天下先也觀馮緄墓石闕刻美人可見吳曹不興畫美人衣僅束身畫家曹衣出水吳帶當風唐人垂帶多飄揚而衣仍古制韓偓詩長長漢殿眉窄窄楚宮衣李賀詩禿衫小袖調鸚鵡又越羅小袖新香積可證也嘉靖中四方婦人與男子無異直垂至膝下去地僅五寸袖闊至四尺餘時有謔詩云碧

升者合集 卷三十一 三 川。八
羅舞袖雙垂地籠卻纏頭無處尋亦近服妖也

繡髑

後漢書光武紀諸子繡髑注云繡髑半臂也一云更
始諸將服婦人衣繡髑黃公紹云字書無髑字當作
裾慎按酉陽雜俎盜俠類有單練髻之說練髻與繡
髑同一類也髑疑半臂羽衣故字從髟漢書作髑酉
陽雜俎作髑寫有繁省也古有此字字書偶遺之爾
何必強改爲髑字又薛女都臨陣著絳衲兩當衫亦

半臂也

單練髻

太平廣記韓晉公在浙西瓦官寺無遮齋會中有一少年請弄閣乃投蓋而上單練髻履膜皮猿掛鳥跂捷若鬼神髻與髀字小不同義則一也字從髟蓋羽衣毳毼之類

纈衣

說文纈結也繫彩繪爲文也杜牧之詩花塢團宮纈

元微之詩內蕊繁於纈李長吉詩醉纈拋紅網韓退
之詩碎纈紅滿杏王建詩纈衣簾裏動香塵魚玄機
海棠溪詩云春教風景駐仙霞水面魚身總帶花人
世不思靈卉異競將紅纈染輕紗薛濤詩夾纈籠裙
繡地衣東坡詩醉面何因散纈文胡元時染工有夾
纈之名別有檀纈蜀纈漿水纈三套纈綠絲班纈諸
名問之今時機坊亦不知也

寶祿腰綵

祿女人脇衣也隋煬帝詩錦袖淮南舞寶祿楚宮腰
盧照鄰詩倡家寶祗蛟龍被是也或謂起自楊妃出
於小說僞書不可信也崔豹古今注謂之腰綵今按
中華古今注祗肚文王所制也謂之腰巾但以縵爲
之宮女以綵爲之名曰腰綵至靈帝賜宮人蹙金絲
合勝祗肚亦名齊襠注引左傳袒服謂日日近身衣也是春秋
之世已有之豈始於唐乎沈約詩領上蒲桃繡腰中
合歡綺謝偃詩細風吹寶祗輕露溼紅紗

金泥簇蝶裙

天香合集 卷三十一
韋京兆悼妓詩惆悵金泥簇蝶裙春來猶得伴行雲

麝香鏤金羅

宋徽宗宮人多以麝香色爲鏤金羅爲衣裙元裕之
詩北去穹廬千萬里畫羅休鏤麝香金

複裙

陳蕭鄰詠複裙詩晶晶金沙淨離離寶縫分纖腰非
學楚寬帶爲思君

香毬金鏤

白樂天詩柘枝隨畫鼓調笑從香毬又云香毬趁拍
迴環匝花盞拋巡取次飛皆紀管絃酒席中事但不
知香毬何用如今人詞中用金縷字亦竟不知金縷
於歌何關

香袂

廣雅綃袪袪謂之褸袂或卽女飾之香袂李義山詩
十歲去踏青夫容作裙袂集韻注作檀衣

綢繆襪襪

古者婦人長帶結者名曰綢繆垂者名曰襍褳結而可解曰紐結而不可解曰締

褱褳褳勝

徐楚金曰褱或作褳引爾雅卽飾也今之香囊也古謂之褱又謂之勝

縛衣

說文叢貉中女子無袴以帛爲至空用絮補核名曰縛衣狀如襜褕按此卽褌也褌祖昆切

褌錄中華
古今注

褌三代不見所述周文王所製褌長至膝謂之弊衣
賤人不下服曰良衣蓋良人之服也至魏文帝賜宮
人緋交褌卽今之褌也

翠足粉曾

劉勰云綴金翠於足跗靚粉澤於曾臆以喻失其所
施也然今之妓女金翠綴足粉澤靚曾蓋恆飾也古
所謂倡優后飾猶未若今世之甚乎

桂熏綦迹

韓孟城南聯句桂熏霏霏在綦蹟微微呈寶唾拾未
盡玉啼墜猶鎗窗綃疑悶艷粧燭已銷繁○桂熏綦
迹寶唾玉啼語精字選惜周美成姜堯章輩未拈出
爲花間蘭畹助也

文綦

文綦綵縹綸韞羅滕士林詠美人足飾縹足衣也滕
足纏

綸韞

王符潛夫論組必文采飾韞必綸

襪

魏文帝吳妃改襪樣以羅爲之後加以綵繡畫至今
不易至隋煬帝宮人織成五色立鳳朱錦襪勒

朱腕繩

王符潛夫論或紡絲

音

絲而縻斷截以繞臂此蓋絲

絲之類樂府雙行纏云朱絲繫腕繩眞如白雪凝梁

昭明烏栖曲云江南稚女朱腕繩

弓足

六朝樂府雙行纏其辭云新羅綉行纏足趺如春妍
他人不言好獨我知可憐唐杜牧詩云鈿尺裁量減
四分碧琉璃滑裏春雲五陵年少欺他醉笑把花前
出畫裙段成式詩云醉袂幾侵魚子纈影纓長憂鳳
皇釵知君欲作閑情賦應願將身脫錦鞋花間集詞
云慢移弓底繡羅鞋則此飾不始於五代也明矣或

謂起於妲已亦非

墨莊漫錄考婦女弓足起於李後主子按樂府雙行

纏知其起於六朝張禹山云史記云臨淄女子彈弦

躑躑又云搖修袖躑躑

元作履

意古已有之再考襄

陽耆舊傳云盜發楚王冢得宮人玉屐張平子賦云

金華之鳥動趾遺光又云履躑躑華英又云羅襪躑躑

而容與曹子建賦羅襪生塵焦仲卿妻詩足躑躑花文

履繁欽詩何以釋憂愁足下雙遠遊梁武帝莫愁歌

足下絲履五文章卞蘭美人賦金蕖承華足陶潛賦
願在絲而爲履附素足以周旋崔豹古今注晉世履
有鳳頭重臺分稍之制唐詩便脫鸞靴出翠帷又麗
情集載章仇公鎮成都有眞珠之惑或上詩以諷云
神女初離碧玉階彤雲猶擁牡丹鞋應知子建憐羅
襪顧步褰衣拾墜釵李義山詩浣花牋紙桃花色好
好題詩詠玉鈎陶南村謂唐人題詠略不及之蓋亦
未之博考也

金蓮寶屐

東昏侯潘妃以金蓮花步地曰步步生蓮花其寶屐
直千萬

紅幫

宋蔣捷詞裙鬆翠裙鞋膩紅幫幫女履牆也梁簡文
帝詩舞屣動高牆

舞妓著靴

舒元興詠妓女從良詩曰湘江舞罷卻成悲便脫蠻

靴出鳳幃誰是蔡邕琴酒客曹公懷舊嫁文姬可老
唐世妓女舞飾也按說文鞮四夷舞人所著屨也周
禮有鞮鞻氏亦是四夷之舞今之樂部舞妝皆出四

夷唐人舞妓皆著靴猶有此意

今按中華古今注天寶中士人之妻著丈

夫靴衫鞭帽內外一體也

盧肇柘枝舞賦靴瑞錦以雲匝袍蹙金

而鴈欹樂府歌錦靴玉帶舞回雲杜牧之贈妓詩曰
舞靴應任傍人看笑臉還須待我聞黃山谷贈之詞
云風流太守能籠翠羽宜醉金釵且留取垂楊掩暎

庭堦直待朱輪去後便從伊窄鞵弓鞋則汴宋猶似
唐制至南渡後妓女窄鞵弓鞋如良人也故當時有
蘇州頭杭州腳之諺云蠻靴一作鸞靴盧賦以鸞對
鴈當是併識於此

火浣布

余嘗愛晉宋人以韻語紀物產如郭璞爾雅贊山海
經贊王微藥草贊之類皆質而工其原出於逸周書
若火浣布火浣之布入火不滅布則火色垢則布色

出火而振之皎然疑乎雪

虎斑絹

後漢志襄邑歲獻虎文衣卽今彰德府虎斑絹也不
爲珍綺而古人重之何邪

輕容

齊東野語云紗之至輕者曰輕容唐類苑云輕容無
花薄紗也蓋今俗云銀條紗之類王建宮詞嫌羅不
著愛輕容李賀詩蜀煙飛重錦峽雨濺輕容元微之

有寄白樂天白輕容詩是也又方言襜褕曰童容而
字或作裕

越爲布名

荀子王制篇棲遲薛越之中野薛越注不解按說文
薛草也六韜莎薛簦笠謂以莎草爲雨衣也相如賦
薛莎青蘋越亦草名蒲屬可緝爲布文選葛越注草
布也後漢馬后傳白越今按漢書作絨三子端潛夫論葛子

升越筒中女布盛弘之荊州記秭歸縣室多幽閒其

升者合集 卷三十八
三 川又
女盡織布至數十升謂之升越○吳都賦蕉葛升越
弱於羅紈

阿錫

列子衣阿錫曳齊紈注阿細縠錫細布非也按此文
以阿錫對齊紈阿亦地名齊有東阿其地亦出絲帛
錫韻書作裼孫恂云袒衣也若以阿爲細縠於字義
不通

斑斕青頓髦毼羊羴

史西域傳冉駝人能作斑斕青頓髦毼羊羗斑斕今
之雜色毼青頓今名絲頓頓音墩髦毼今髦毼也羊
羗今寶裝也羊皮

疑誤

酋長婦女以爲背飾

彰毼

晉載記彰毼毛布也彰與靚同毼與斕同

毼毼

楊雄蜀記云雲南越毼毼斕也音豆分今之氍毹

霞毼

升都合集 卷三
吐蕃貢霞氍今之紅氍毹

搗衣

字林云直舂曰搗古人搗衣兩女子對立執一杵如舂米然今易作臥杵對坐搗之取其便也嘗見六朝人畫搗衣圖其制如此圖後有行書魏瓘賦云夜如何其秋兮已半拽魯縞攘皓腕始於搖揚終於凌亂驚飛燕之兩行遏彩雲而一斷隱高樓而如動度遙城而如散夜有露兮秋有風杵有聲兮衣可縫佳人

聽兮意何窮步逍遙於涼景暢容與於晴空黃金釵
兮碧雲髮白綸巾兮青女月佳人聽兮良未歇臂長
虹兮乍開凌倒景而將越是時也餘韻未畢微影方
流逶迤洞房半八宵夢窈窕閒館方增客愁李都尉
以胡笳動泣向子期以鄰笛增憂古人獨感於聽今
者況兼乎秋願君無按龍泉色誰道明珠不可投賦
雖俳偶自是齊梁之習也

五色賦記

衡山縣志遺逸門一段云唐寇豹與謝觀同在崔裔
孫門下以文藻知名豹謂觀曰君白賦有何佳語對
曰曉入梁王之苑雪滿羣山夜登庾亮之樓月明千
里觀謂豹曰君胡不作赤賦豹曰田單破燕之日火
燎於原武王伐紂之年血流漂杵文山效之作黑賦
曰孫臏啣枚之際半夜失蹤達磨面壁以來九年閉
目座中一客賦青云帝子之望巫陽遠山過雨王孫
之別南浦芳草連天一客賦黃曰杜甫柴門之外雨

張春流衛青油幕之前沙含夕照文山評月明千里
得白之神曰火曰血不免著迹且燎原事與田單不
相干一客改之曰堯時十日並出爍石流金秦宮三
月延燒照天燭地余謂曰血曰火及十日並出秦宮
延燒皆非佳境或改之曰孫綽賦天台景高城霞起
而建標杜牧詠江南春十里鶯啼而映綠稍有風韻
又賦黃曰靈均之歎木葉秋老洞庭淵明之啜落英
霜清彭澤信勝舊矣黑賦亦非佳況今別擬一聯云

周庭之列畢蘇裳如蟻陣陳閣之迎張孔鬢似鴉翎

正色間色

五行之理有相生者有相剋者相生爲正色相剋爲間色正色青赤黃白黑也間色綠紅碧紫流黃也木色青故青者東方也木生火其色赤故赤者南方也火生土其色黃故黃者中央也土生金其色白故白者西方也金生水其色黑故黑者北方也此五行之正色也甲巳合而爲綠則綠者青黃之雜以木剋土

故也乙庚合而爲碧則碧者青白之雜以金剋木故也丁壬合而爲紫則紫者赤黑之雜以水剋火故也此五行之間色也流黃一作駟黃

間色名

青赤黃白黑五方正色也碧紫紅綠流黃五方之間色也青別爲蒼赤別爲朱析朱爲非非今作緋黃別爲黔白別爲縞黑別爲玄此正色之別名也近黑曰弋今作黠似綠色曰校女嫁者服之縠日出色也柳

日八色也蔥瞑色也檀婦人注面赭色也騅草色也
間色之中又有間色若天縹緹紅淺絳女貞黃天水
碧之類不可殫述南史輿服志有鶯鶯鶯鶯四色鶯
音罩白色也餘未詳左傳注衾皂色也

姦色

禮注紅南方之姦色紫北方之姦色五方皆有姦色
蓋正色之外雜互而成者曰姦色猶正聲之外繁手
而淫者曰姦聲也姦色卽間色

白字異訓

日光之白曰皜月光之白曰皎男子之白曰皙女子
之白曰皤詩玼分玼兮老人之白曰皤草華之白曰
葩雪霜之白曰皚鳥羽之白曰霍

鮮明曰翠

嵇康琴賦新衣翠粲纓微流芳翠粲鮮明之貌注引
班姬自悼賦紛綵繚兮紈素聲以爲衣聲非也綵繚
自是衣聲翠粲自是鮮明之貌不必同也駱賓王文

升者合集 卷三
縛翠萼於詞林絳鮮花於筆苑以翠對鮮可以證之
又東坡詩兩朵妖紅翠欲流高似孫緯略云翠謂鮮
明之貌非色也今俗猶然不然既曰紅矣又曰翠可
乎

明之貌非色也今俗猶然不然既曰紅矣又曰翠可乎

又曰明之貌非色也今俗猶然不然既曰紅矣又曰翠可乎

又曰明之貌非色也今俗猶然不然既曰紅矣又曰翠可乎

升者合集卷之三 二十八終

總纂升菴合集卷之二百二十九

新都楊慎著

同里鄭寶琛纂輯 天彭李守福

全校

同里王文林編次 繁江郭宗儀

鹵簿舟車攷

鹵簿

天子儀衛稱鹵簿謂鑪香導引儀衛耳鹵音鑪義同
道樞立和子曰鼎鹵天地之象也注鹵鑪也

今按獨斷天子

出車駕次第
謂之鹵簿

爆槊

程氏演繁露曰宋景文筆記宣獻宋公著鹵簿記至
爆槊不能得其義予後十餘年始得之其說曰江左
有鰲槊爲其首大如鰲是其義也按鰲小瓜也或爲
鰲音義同又爾雅爆牛幫牛也此獸抵觸百獸無敢
當者故金吾仗刻爆牛於槊首以碧油囊籠之荆楚
歲時記所說亦與爾雅同今金吾仗爆槊爲第一隊

則是爆槩云者刻幫牛於棚首也他說皆非也

葳蕤

葳蕤旗名鹵簿中有之唐詩望見葳蕤舉翠華又錄
異記葳蕤鎖金鏤相連屈伸在人顧況詩春樓不閉
葳蕤鎖綠水斜通宛轉橋孫氏瑞應圖云葳蕤瑞草
王者禮備至則生今之字書例解爲草木之狀未得
其原也

今按葳蕤物下垂貌葳蕤同

章

舉日章則行書月章則行夜龍章行水虎章行林鳥
章行陂蛇章行澤鵠章行陸狼章行山易曰來章書
曰平章詩曰綏章章物也

星施

周書王會篇樓煩貢星施施蓋旌旗之屬○色麗文
章章妍織鳥

蕭斧

通鑑礪蕭斧而伐菌蕭斧伐蕭之斧也詩云取蕭祭

脂又云采彼蕭兮

芙蓉劍

盧照鄰詩相邀俠客芙蓉劍共宿娼家桃李蹊○越
絕書薛燭說劍云揚其華如芙蓉始出觀其鈰如列
星之行○劍有鱗缺星鐔有時而吼

銑鏡

蕭摩訶與北齊戰有西域胡妙於弓矢弦無虛發摩
訶遙擲銑鏡正中其額應手而斃鏡音簡唐秦瓊尤

善用之

今按瓊本傳躍馬挺鎗取人萬眾中無不如意又鄂國傳敬德善馬捐嘗與齊王元吉戰

三敘其兵銑銳綱目注短兵也形如小鑿

白間

西都賦招白間下雙鵠揄文竿出比目二句爲對白間猶黃間也弓弩之屬御覽引風俗通白間古弓名文選以間爲鵠非也

折竹爲踔

劉錡順昌之戰折竹爲踔如市井爲戲者人各持一

爲號直犯金營是夕天欲雨電光四起百人聞號聲
卽聚電所燭則奮擊電止則匿不動金人終夜自戰
積尸滿野

雲錦韜

按字書古無套字以韜字轉去聲元微之陰山道詩
從騎愛奴絲布衫臂鷹小兒雲錦韜羣臣利已安僭
差天子臨軒空憫悼悼正叶韜徐幹七喻縣珠於長
韜燭修夜而爲陽

水龍

隋梁睿請伐陳文帝詔曰陳國未盡藩節誠須責罪
興師若命水龍終當原脫一字屈水龍謂戰船也

綠鷁蒨鷁

劉楨魯都賦綠鷁蒨鷁皆船名船首畫此二鳥形也

蘭鷁

謝朓賦蘭鷁今江之潯蘭鷁舟也可對燭龍

扁舟本作編舟

或問予詩人多用扁舟何處爲始予按南史天淵池
新製鯁魚舟形甚狹故小舟稱扁舟六朝詩惟王由
禮有扁舟夜向江頭泊之句至唐人則多用之

水船

宋末洞庭湖賊楊么四輪激水船行如飛今失其制

篷

篷卽篷也宋書輦篷字如此寫蓋從省也

帆名曰雙

南越志南海有盧頭木葉如甘蔗織以爲帆名曰簠
以其疎暢懷風故帆不從竹從布予按廣韻失之簠
字僅云帆也知爲何等物

鳳舳

博雅舳舳舟也舳音墨隋志有龍舟鳳舳

腰舟

鵬冠子中流失船一壺千金壺也者爲腰舟以浮水
也

舟車

秦越至遠也，踟立安坐而至也。因其械也，械謂舟車也。

輦

呂氏春秋曰：人引車曰輦。司馬法：夏后氏二十人而輦，殷十八人而輦，周十五人而輦。說者以謂夏出師不踰時，殷踰時，周歷時，故前世輦少，後世輦多。左傳疏

麗驂

升者合集 卷三十一
王肅曰古者一轅之車夏后氏駕兩馬謂之麗殷益
以一駢謂之驂周人又益以一謂之駟今按周人實
兼用之故曰駟驪是驂又曰城門之軌兩馬之力與
貝轂塢宮

嚴助相貝經曰堯懸貝轂於塢宮貝轂以貝飾轂也
塢宮他書亦未見

燭路

晉隱逸傳士女駢塢車服燭路

車屐

子夏易傳曰輶車下伏兔也今人謂之車屐形如伏兔以繩縛於軸故車下縛曰輶○檀宜作輶榆宜作輶

馬羅披

文鴛與石虎戰敗解馬羅披自鄣注馬羅披卽鄣泥也

蛟韞

荀子蛟韞注馬服之革蓋以蛟皮爲之韞呼見切左
傳韞鞞鞞鞞音絢在背曰韞鞞音肩在胸曰鞞詩
陰鞞縢續注靳環靳者言其常處游左驂馬背上左
傳如驂之有靳籀文作韞夔古昏字也鞞倚兩切在
腹曰鞞今之褰肚胖音半在後曰鞞

寄生

齊高帝紀時軍容寡闕乃編櫻皮爲馬具裝折竹爲
寄生又東昏侯紀馬被銀蓮貝裝鎧雜羽孔翠寄生

寄生不知爲何物也

唐馬鞭價重

柳宗元鞭賈云市之鬻鞭者人問之其價直五千必曰五萬復以五十則伏而笑之以五百則小怒以五千則大怒必五萬而後可此雖寓言亦必因當時鞭價而立說也又顧况有露青竹鞭歌曰鮮于仲通正當年章仇兼瓊在蜀川約束蜀兒采馬鞭聯灰煮蠟光爛然章仇兼瓊持上天忽見揚州北邸前祇有人

還千一錢蓋言其物貴而價賤也然一鞭之直何至
五萬而千一之錢猶以爲少今世雖以金玉寶珠飾
之人亦誰肯以此重價酬之者古今好尚不同如此
又唐人進士絲鞭工緻爲最洪武中江南富家猶有
藏之者見高啓詩集

柄鑿

柄字從木從內考工記調其鑿內而合之宋玉九辨
圓柄而方鑿兮吾固知其鉏鋸而難入今舉子程文

龔用柄鑿不相入彼此相效莫知其非也夫柄鑿本
相入之物惟方柄圓鑿則不相入今去方圓字而曰
柄鑿不相入字義之不通文義大謬矣甚者寫柄字
作柄字尤可笑也

赭繩

商君書赭繩束枉木古之匠人用赭繩卽今之用墨
斗也

露卯

齊書舊爲屐者齒皆達楸上名曰露卯

木匠搯

一本作木傍

卯字

近峰聞略說木工搯卯字引伊川語錄云柄鑿者搯卯也搯卯圓則圓搯卯方則方又引文簋如室新構而去其鑿契注鑿契簋也又引金史張中字制小舟不假膠漆而首尾相鈎帶謂之鼓子卯余按搯卯字當作簋牡簋字出考工記及文選注而漢書五行志所謂門牡者義取牡牝蓋柄者刻木端以入鑿有牡之

象鑿者空其竅以受柄有牝之象簋牡二字蓋亦古
矣推卯字○蓋亦後人換借爾

胡器

詩含神霧曰胡人蠻貊作器物多與中國相反書則
橫行食則合伏床則交腳鼓則細腰

詩云復明台矣


詩云復明台矣


附錄

詩云復明台矣

詩云復明台矣







冠
腹
改

GT
1555
Y35
1882